

ամենայն բանակօք, ոչ մտանելով երբեք ի քաղաքս. այլ թէ անցցէ յայնկոյս երթալ ի վերայ Հասանին, և եղեալքն ընդ նմա ոչ կամէին, քանզի ձանձրացեալք էին և զդադարումն կամէին: Այլ նալ կամէր և ոչ կարէր, խորհէր եւ զհնարս որոնէր զի զինքն փրկէր եւ զայն պարտէր. և անուն քաջութեան զայս ևս ընդունել՝ յուզէր և որոնէր ճարս, և այնու զինչ կամելով առնէր՝ զայն պարտելով և զզօրսն նուաճելով: Եւ մինչդեռ ի Քէհատխանան էր, հաճէր զմիտս զօրապետաց, զօրագլխաց և աղաներաց սփահուն՝ զուճիկսն յաւելացուցանելով, և զօրացն ասացեալ թէ Ջձեր յՈւսկիւտարն տալոց եմ. և զօրացն միտ յայս ընթանայր¹⁾. փութայր զի ի քաղաքս մտցէ եւ արացեն ընդ նմա զինչ և կամեսցին: Այլ բազմահնարն այն տայր զօլօֆէն անդ ի Քէհատխանան և այնու ևս փորձէր՝ թէ ո՛յք են զինչ ասացողք և ո՛յք են տրտնջողք՝ իմացի:

Եւ յետ աւուրց կիրակէի աւուր Հոկտեմբեր ԼԱ, փոյթ ընդ փոյթ յանկարծ անց յՈւսկիւտարն եւ զթագաւորն ընդ իւր, եւ աղաղակել ետ մունետկացն՝ Պատերազմ ունիմ ի վերայ ապստամբին. ամենեքեան պատրաստեսցին որք են ծառայք թագաւորին: Եւ ամենեքեան դեռ ոչ ևս հանգեալ էին ի տունս աւուրց երկուց, անցան յայնկոյս ի բանակ յՈւսկիւտարոյ: Եւ յետ Բ աւուր հրամայեաց ամենեցուն ի բաց լինել յինքենէ թէ Չունիմ սէֆէր, փորձելով՝ զայս պատճառ զնելով: Եւ որք սկսան երթալ յԻւրաքանչիւր հանգիստ եւ ի տեղիսն, զնոսա կալեալ զամենեսեան սպանանէր աւր ըստ աւրէ ի ծովափն Ուսկիւտարոյ Լ-ից²⁾, Ի-ից և Ժ-ից անպակաս՝ յըսպահոց մեծամեծացն և ոչ յաննչանիցն թէ Դուք Հասանլի էք և ի մօտ

1) ընդանայր.

2) Լ.